

Organizata/funksioni shërbyes

1. Bordi i Drejtorëve të Komunës;

2. Kryetari i Komunës;
3. Nënkryetari i Komunës;
4. Shefi i kabinetit të Kryetarit;
5. Drejtori i Drejtorisë për Shëndetësi dhe Mirëqenie Sociale;
6. Drejtori i Drejtorisë për Shërbime Publike dhe Emergjencë;
7. Drejtori i Drejtorisë për Buxhet dhe Financa;
8. Drejtori i Drejtorisë për Administratë;
9. Drejtori i Drejtorisë për Zhvillim Ekonomik;
10. Drejtori i Drejtorisë për Bujqësi dhe Zhvillim Rural;
11. Drejtori i Drejtorisë për Infrastrukturë lokale;
12. Drejtori i Drejtorisë për Urbanizmën dhe Mbrojtje të Mjedisit;
13. Drejtori i Drejtorisë për Kulturë, Rini dhe Sport;
14. Drejtori i Drejtorisë për Gjeodezi, Kadastër dhe Pronë;
15. Drejtori i Drejtorisë për Inspektion;
16. Drejtori i Drejtorisë për Arsim;

Qendra e menaxhimit emergjent lokal

1. Komiteti për Mbrojtje dhe Shpëtim(Kryetari i Komunës dhe anëtarët e BOD);
- 2.Komandanti i stacionit të policisë i Komunës së Glllogocit;
- 3.Koordinatori i menaxhimit emergjentë;

4.Komandanti i incidentit(sipas nevojës);

5.Kryesuesit e ekipeve emergjente(1-mjeksore, 1-zjarrikfësve, 1-evakuimit, 1-Kryqi i kuq, etj.);

6.Përfaqësuesit e FSK-së,(sipas nevojës);

7.Zyrtari për informim.

Shtojca 6 – Lista e shpërndarjes së PREL

Drejtori i menaxhimit emergjent;

Koordinatori i menaxhimit emergjent;

Zyra e komandantit të stacionit policor;

Shërbimi i zjarfikëjes;

Shërbimet komunale (rrymë, ujë, mbeturina);

Drejtori i Inspektionit;

Drejtori i Urbanizmit dhe Planifikimit Hapësinor;

Drejtori i Shërbimeve Sociale;

Administratorët e fshatrave dhe qytetit;

Drejtorisë për Shëndetësi dhe Mirëqenie Sociale;

Prokurori në nivel komunal;

Qendra e komunikimit ;

Bordi i Drejtorëve;

Drejtorisë Komunale të Arsimit;

Zyra për informim me publikun, në nivel komunal;

Skuadrat e shpëtimit;

Ekipi për vlerësimin e dëmeve;

Sektorit të transportit;

Drejtorisë për Infrastrukturë Lokale.

Shtojca 7 – dokumentet esenciale

Shënimet gjyqësore

Ruajtja e shënimeve esenciale për lokalitetin është përgjegjësi e sekretarit të gjykatës së në nivel komunal. Të gjitha shënimet esenciale duhet të ruhen në dosje, të vendosura në zyrën e sekretarit të gjykatës komunale. Në këto shënime përfshihen me sa vijon:

Dokumentacioni i pasurive të patundshme;
Të dhënat kriminale;
Testamentet ;
Regjistrat civil;
Dokumentacioni i gjykatave civile;
Certifikatat e martesave.

Evakuimi i dokumenteve në raste të një emergjence do të bëhet vetëm me miratimin e sekretarit të Gjykatës së Qarkut.

Ngarkimi dhe transporti i këtyre dokumenteve është përgjegjësi e Departamentit të Policisë.

*** Një kopje e mikrofilmit/diskut me të dhënat e patundshmërisë për lokalitetin, duhet të ruhet në arkiva të sigurtë.**

Agjencionet/organizatat

Çdo agjenci/organizatë brenda strukturës së pushtetit lokal duhet të themeloj programin për mbrojtjen e dokumenteve/të dhënave të veta. Dokumentet e caktuara si esenciale për vijimin e funksioneve qeverisëse duhet të identifikohen dhe vendosen procedura për mbrojtjen e tyre, siç janë dyfishimi i kopjeve në një vend tjetër dhe/apo përdorimi i objekteve të sigurta për deponim të dokumenteve. Duhet të merren masa për operim të vazhdueshëm të sistemit të përpunimit automatik të të dhënave.

Shtojca 8 – Shembull i vendimit të SIME

Deklarata e miratimit

Sistemi i integruar i menaxhimit të emergjencave është miratuar nga MPB të Republikës së Kosovës si në vijim:

DUKE PATUR PARASYSH QË, me kërkesën e Kryeministrit, Ministria e Punëve të Brendshme ka ndërtuar Sistemin e Integruar të Menaxhimit të Emergjencave (SIME) me qëllim të unifikimit dhe koordinimit të të gjitha përpjekjeve të reaguesve emergjent gjatë fatkeqësive;

DUKE PATUR PARASYSH QË, Ministria e Punëve të Brendshme ka udhëzuar të gjitha etnitetet qendrore, rajonale dhe lokale të përfshira në reagimin emergjent për ta adaptuar SKMI;

DUKE PATUR PARASYSH QË Kryeministri ka futë në fuqi SIME-në, duke e shpallur atë si bazament zyrtar për menaxhimin e reagimit ndaj incidenteve në vend;

DUKE PATUR PARASYSH QË, SIME do t'i mundësoj reaguesve në të gjitha nivelet për të punuar së bashku në mënyrë më efikase dhe efektive për menaxhimin e incidenteve vendore pavarësisht shkakun e tyre, madhësinë apo kompleksitetin, përfshirë aktet katastrofale të terrorizmit dhe fatkeqësitë natyrore;

DUKE PATUR PARASYSH QË, Agjencia e Menaxhimit Emergjent aktualisht e udhëzon për përdorimin e sistemit të komandës së incidentit (SKI) i cili i referohet SIME-së;

DUKE PATUR PARASYSH QË, Komunat e Gjlogocit e njeh nevojën e përdorimit të një sistemi të vetëm të menaxhimit të emergjencave nga agjencitë dhe disiplinat lokale;

VENDOS, që Komuna e Gjlogocit pranon SIME-në, dhe se ky sistem do të përdoret në të gjitha incidentet dhe stërvitjet, mësohet në të gjitha kurset trajnuese të institucioneve lokale dhe reflekton në të gjitha programet e drejtorive komunale dhe AME-së në lëmin e parandalimit, gatishmërisë, reagimit dhe rimëkëmbjes.

Kryesuesi,

Shtojca 9 – shembull i vendimit për aprovimin e POE

VENDIM

PLANI I REAGIMIT EMERGJENT

DUKE PAS PARASYSH QË: Asambleja Komunale dhe Kryetari i Komunës së Glllogocit njohin nevojën për tu përgatitur, reaguar dhe rimëkëmbur nga fatkeqësitë natyrore dhe ato nga faktori njeri;

DUKE PAS PARASYSH QË: Kryetari i Komunës ka përgjegjësi për siguri dhe mirëqenie të qytetarëve dhe vizitorëve të tij;

DUKE PAS PARASYSH QË: **Kryetari** ka vendosur dhe caktuar drejtor dhe koordinator të menaxhimit emergjent komunal, kështu që, pas shqyrtimit të Planit Operativ Emergjent, Kryetari Komunës së Glllogocit dhe Asambleja Komunale, VENDOSIN që ky PRE është miratuar zyrtarisht dhe

ËSHTË VENDOSUR DHE URDHËRUAR që drejtori për Shërbime Publike dhe Emergjencë, apo i emëruari i tij/saj, janë caktuar me detyrë dhe autorizuar ta mbajnë dhe rishikojnë/ripunojnë sipas nevojës këtë dokument, gjatë periudhës dy, tre apo katër vjeçare, apo derisa të urdhërohet ndryshe nga ky bord.

Kryetari i Komunës:

VËRTETON:

Kryesuesi i Kuvendit

Ky Plan Operativ Emergjent miratohet më _____ 2025.

Shtojca 10 – shembull i shpalljes së kërkesë për shpalljen e gjendjes emergjente Lokale

DUKE PAS PARASYSH QË, drejtori i Drejtorisë për Shërbime Publike dhe Emergjencë i Komunës së Glllogocit ka konstatuar që:

1.Për shkak të _____(thekso ngjarjen)_____, Komuna po ballafaqohet me rrethana të rrezikshme;

2.Për shkak të _____(thekso ngjarjen)_____, të gjendjes me rrezikshmëri të jashtëzakonshme për jetën dhe pronat e bënë të domosdoshme kërkesën për shpalljen e gjendjes së jashtëzakonshme lokale.

PRANDAJ, NË KËTË MËNYRË DEKLAROJMË që, në Komunën e Glllogocit ekziston/apo ka ekzistuar emergjenca dhe **ËSHTË SHPALLUR DHE URDHËROHET** që gjatë emergjencës së lartpërmendur, fuqitë, funksionet dhe detyrat e organizatës së menaxhimit emergjent të Komunës do të jenë/janë ato të përcaktuara me ligjin dhe dekretet, vendimet dhe planet e miratuara nga Komuna me qëllim të zbutjes së efekteve të emergjencës së lartpërmendur.

Data

Kryetari i Komunës

Komuna e Glllogocit

Plani i reagimit emergjentë për zjarre fushore – malore, objekte banimi, objekte industriale dhe prodhuese, pomapa të derivateve, aksidente rrugore etj.

SHTOJCAT:

Qëllimi i hartimit të këtij plani është :

1. Parandalimi i dëmeve që shkaktohen nga zjarret, aksidentet etj.;

2. **Mbrojtja e jetës se njerëzve, pronës dhe infrastrukturës;**
3. **Përcaktimi i veprimeve dhe përgjegjësi në rast të këtyre ngjarjeve.**

Andaj duke u bazuar në Planin e Vlerësimit të Rrezikut, zjarret fushore-malore, zjarret në objekte banimi, objekte industriale dhe prodhuese, në objekte të pompave të derivateve të naftës etj, që paraqesin rrezik për jetët e njerëzve, shkatërrimit të pasurisë, po ashtu edhe dëmeve të tjera. Sipas statistikave të marrura nga data baza e NJPSHZSH, prej viteve 2014 -2025 kemi pasur **1193** zjarre fushore, **332** zjarre malore dhe me një dëmtim të pyjeve rreth 456.41 ha, ndërsa në objekte banimi kemi pasur me shumë se **210** intervenime, në objekte industriale me shumë se **5** raste, të cilat kanë qenë më intenzitet të lartë dhe me pasoja dhe dëme të mëdha në pajisje dhe objekte, ndërsa tek pompat e derivateve për fat nuk kemi pasur zjarre që kanë lënë pasoja, pos disa rasteve që janë intervenuar për parandalim të tyre, pastaj kemi raste edhe për intervenime nga aksidentet rrugore, etj. Prandaj si rezultat i këtyre, është e nevojshme edhe hartimi i Planit të reagimit për këto raste.

Aktivizimi i Planit të Reagimit Emergjent bëhet me marrjen e alarmit për emergjencë nga zyra për alarmim 112, nga Policia e Kosovës apo edhe individ tjerë.

Aktivizimi i Njesisë Profesionale së Shërbimit të Zjarrfikëseve dhe Shpëtim (NJPSHZSH), bëhet pas marrjes së informacionit për mundësi të ndodhjes së ngjarjes, andaj reagimi emergjentë kalon nëpër këto etapa:

1. **Etapa 1:** “Alarm për rritjen e gatishmërisë” është tërësia e masave për njoftimin paraprak pas marrjes së informacionit se mund të lindë një situatë emergjente si zjarri dhe shërben si sinjal për rritjen e gatishmërisë;
2. **Etapa 2:** “Gatishmëria” është tërësia e masave për njoftimin paraprak pasues, pas informacionit që një situatë emergjente që zjarri është i afërt ose në zhvillim, apo për intervenim në aksidente rrugore;
3. **Etapa 3:** “Aktivizimi” është kur një situatë emergjente ngjarja ka ndodhur realisht;
4. **Etapa 4:** “Dalja nga situata” është mbyllja e fazës së aktivizimit, pavarësisht sesa etapa të mëparshme kanë ndodhur realisht.

Sipas situatave, mundë të mos kalohet në të gjitha etapat. Në rastin e një ngjarjeje të papritur të

menjëhershme, aktivizimi i sistemit fillon drejtpërdrejt me etapën 3 “aktivizimin”.

Etapa 1: “Alarm për rritjen e gatishmërisë”

Drejtori i DSHPE-së ose shefi i NJPSHZSH vendos fillimin e etapës 1, “Alarm për rritjen e gatishmërisë”, në çastin e marrjes së informacionit për mundësinë e ndodhjes së një **NGJARJE** i cila mund të shoqërohet me dëmtime në njerëz dhe dëme materiale.

Etapa 2: Vendosja e gjendjes së gatishmërisë

Drejtori i DSHPE-së, vlerëson nevojën e fillimit të **Etapës 2**, “Vendosjes së gjendjes së gatishmërisë”. Kjo bëhet kur një ngjarje e afërt konsiderohet e pashmangshme dhe që mund të shoqërohet me dëme në njerëz dhe të mira materiale.

Etapa 3: Aktivizimi

Fillon në rastet kur një ngjarje e papritur ka shkaktuar dëmtime materiale ose edhe në njerëz.

Etapa 4: Dalja nga situata

Njoftimi për **etapën 4**, “daljen nga situata”, bëhet nga i njëjti autoritet që e ka urdhëruar fillimin e etapës 1, 2 ose 3.

Etapa 4, “Dalja nga situata”, paraqet situatën normale në vend, kur nuk ekziston kërcënim i drejtpërdrejt pas intervenimit të kryer.

Në çdo rast dalja nga situata bëhet kur:

- Është bërë vlerësimi i plotë i situatës;
- Kërcënimi i fatkeqësisë është zvogëluar apo eliminuar;
- Operacionet e ndihmës kanë dhënë rezultatet e duhura;
- Nevojat më të nevojshme janë plotësuar.

VEPRIMET PËR INTERVENIME EMERGJENTE

Njësia e zjarrfikësve duke kaluar nga fazat 1-2-3-4, varësisht nga intensiteti i ngjarjes, bënë përgatitjen e pajisjeve dhe mjeteve adekuate për shuarje të zjarreve fushore dhe malore, ndërsa për intervenime në ngjarje të tjera, përgatitet me automjetet dhe pajisje të nevojshme sipas llojit të ngjarjes, duke njoftuar drejtorin e DSHPE-së, dhe vazhdojnë në lokacionet që është marr informata.

Operacionet themelore i kryejnë njësitet e përbëra nga zjarrfikësit, automjetet, udhëheqësi i ekipit, shoferi dhe çifti.

ROLI DHE FUNKSIONI

Ekipi sulmues:

Në rast të zjarreve, zjarrfikësit janë përgjegjës për shuarje të zjarreve duke e drejtuar hedhësen e ujit në drejtim të vatrës së zjarrit. Në aksidente, duhet bërë deblokimin e automjetit për nxjerrjen e personave të lënduar apo atyre me pasoja fatale, dhënien e ndihmës së parë (nga ekipi I zjarrfikësve apo ekipi mjekësor që është i trajnuar për intervenime medikale).

Në objektet e banimit, industriale, apo të derivateve të naftës ku krijohet tym i madh, çdo ekip i sulmit duhet të pajiset me aparat të frymëmarrjes, nëse nuk urdhërohet ndryshe dhe pajisje të tjera të nevojshme, dhe fillimisht fillon evakuimin e stafit/ banorët/ nga ndërtesa/lokali/ objekti industrial/ dhe njëkohësisht edhe reagimi në shuarje të zjarrit.

Ekipi furnizues:

Ka për detyrë të furnizoj me ujë ekipin sulmues, duke e shtri gypin e mbështjellur në makare, në rast të zjarreve, duke vënë çantat shpinore apo ajrfryerësit portativ tek zjarret fushore dhe malore, ndërsa për aksidente, duhet që ekipi furnizues të furnizoj me pajisje të tjera (gërshërë hidraulike, fleks, presa hidraulike dhe pajisje të tjera), kurse tek rastet e zjarreve në objektet e derivateve të naftës të bëjë furnizimin me shkurpë, boca të mbushur me pluhur dhe boca të mbushur me CO₂, ujë etj.).

Kjo nuk është detyra e vetme e këtij ekipit furnizues, por sipas nevojës së ngjarjes/aksidentit/. Pas përgatitjes së pajisjeve mundë të bashkëngjitet ekipit sulmues ose të kryej detyrë tjetër sipas urdhëresës së komandantit të incidentit/ekipit.

FAZA E PËREGADITJES

Identifikohet vendi dhe lloji i ngjarjes, pastaj caktohen lloji i pajisjeve dhe lloji i automjeteve.

Furnizimi me ujë dhe pajisje të tjera të nevojshme:

Shefit të ekipit i takon që të zgjedhë pikën më të përshtatshme për furnizim me ujë, në rast të zjarrit, ndërsa për aksidente në komunikacion rrugor të përdor automjetin teknik dhe pajisjet e nevojshme për

debllokim të personave të ngjuar në automjetin e aksidentuar, dhe dhënia e ndihmës së parë nga ekipi i zjarrfikësve të cilët kanë kryer trajnimet për intervenime medikale në aksidente në komunikacion rrugor.

Pajisjet themelore:

Pajisjet themelore që janë në disponim të NJPSHZSH-së, në Komunën e Glllogocit janë dhënë në tabelën në vijim:

Lista e resurseve materiale teknike

Resurset materiale: pajimet dhe pajisjet zjarrfikëse	Automjetet e NJPSHZSH-së	Nr. Sasia	Kapaciteti
	Automjet komandues	1	3.4m ³
	Automjet sulmues	1	4560 lit.
	Automjet furnizues (auto cisternë)	0	0
	Automjet teknik	2	Pajisje për shpëtim
	Automjet me shkallë hidraulike	0	0
	Automjet fushor-malor	1	800 lit.
	Automjet tjetër	0	0
	Gjenerator	3	(12-5-3)
	Pompë uji	3	Ø 110,Ø75,Ø52
	Barkë për shpëtim në ujë	0	0
	Pajisje për zhytje	0	0

Pajisjet kolektive	Sasia	Kapaciteti	
Radiolidhje dore	12		
Radiolidhje statike	2		
Aparat të frymëmarrjes	5	Auer-Drager	
Maska për frymëmarrje të thjeshta	6		
Presa hidraulike	2		
Haps hidraulike	3		
Sëpatë	2		
Jelek shpëtues për ujë	10		
Litar shpëtues	10	25 m	
Shkallë lëvizëse alumini (palë)	2	3 palëshe	
Shkallë litarë	1	3.5 m	
	Ø 110	10	15 m
Tuba (gypa)	Ø 75	30	15 m
	Ø 52	25	15 m
Shpërndarëse të ujit	Tre kokësh	5	
	Dy kokësh	3	
Dyshek për kërcim		0	
Lëshues për shpëtim-reglis		3	
	Në objektet me rëndësi të veçantë		
Hidrantët në qytet	Në stacionin e zjarrfikësve		

Në oborrin e Komunës

Burimet alternative për furnizim me ujë, resurse të pa lëvizshme

Pishina „ZHIRON” Korroticë e Ultë

Lumi Drenica-Drenas

Bazenat e feronikelit- Çikatovë e Vjetër

Pra, NJPSHZSH-së, sipas nevojës, i përdorë këto automjete dhe pajisje: Për rastet e zjarreve malore , zakonisht e përdorin automjetin fushore-malore me kapacitet deri në 800 l, në rastet e zjarreve malore, ndërsa në zjarret fushore e përdorin automjetin sulmues me kapacitete deri ne 4500 l. Po ashtu për terrene të vështira malore i përdorin edhe çantat shpinore dhe ajrfryerësit portative.

Sipas nevojës dhe llojit të ngjarjes, intervenon edhe ekipi mjekësor, sidomos në rastet e aksidenteve rrugore, dhe rasteve të tjera ku kërkohet ndihma dhe ndërhyrja e tyre.

Pajisjet themelore që ekipa emergjente e Komunës se Gillogocit i ka në disponim për intervenime emergjente mjekësore, janë paraqitur në tabelën në vijim.

Resurset materiale: Automjetet dhe pajisjet për ekipin mjekësor emergjent	Automjetet dhe pajisjet e ekipës emergjente në kuadër të DSHMS/QKMF-së		Sasia
	Automjet autoambulancë komplet me pajisje	5	
	Katër ekipe mjekësore komplet me pajise	4 ekipe me nga 4 infermier,	
		gjithësejt 16 infermier	
	Shtretër në emergjencë	4	
	Defibrilator	4	

EKG	3
Rentgen	1
Mamograf	1
Pajisje për intubim	3
Shofer emergjent -infirmier	15
Qanta me pajisje për reagim emergjent	4
Boca me oksigjen	4

Ekipa mjekësore emergjente përbëhet nga 4 infermier dhe janë të pajisur me automjet autoambulancë të ndihmës së shpejtë e pajisur me të gjitha pajisjet e nevojshme, për intervenime në aksidente në komunikacion rrugor, apo kur ka të lënduar apo të infektuar nga tymi në rastet e zjarreve dhe rasteve të tjera sipas nevojës.

Sipas nevojës së incidentit, nëse komandanti i incidentit apo komandanti i njësisë në vendin e ngjarjes, e sheh të nevojshme edhe ekipe të tjera, si Kryqi i kuq, OJQ, etj., atëherë ato kyqen në intervenim, prandaj edhe duhet të jenë të pajisur me pajisje elementare për ndihmë.

Pajisjet themelore që Kryqi i kuq i ka në disponim për intervenime emergjente(sipas të dhënave të tyre), janë paraqitur në tabelën në vijim.

Automjetet dhe pajisjet e ekipës emergjente në kuadër të Kryqit të kuq Sasia

Veturë, xhip Land Cruiser 4x4 me të cilin mund të bartën deri 12 persona. 1

1. Instruktorë të licencuar për ndihmën e parë. 4

2. Vullnetarë të trajnuar për përkrahje psikosociale 3

2

3. Vullnetarë të trajnuar për reagim në fatkeqësi dhe menaxhim kampi .

Lese për bartjen e të lënduarve, 1

Qanta shpinore për ndihmë të parë 4

Pajisje për punë 3

Shofer emergjent - 1


Vullnetar aktivë dhe të trajnuar në fusha të ndryshme si : Ndihmë 15 persona të parë, përkrahje psikosociale, menaxhim të kampit, reagim në fatkeqësi, etj.


Komunikimi dhe ndërlidhjet.

Komunikimi për rreth vendit të ngjarjes bëhet në forma të ndryshme si ajo : Gojore, me telefona celular, radio lidhje etj.

Çdo ekip që gjendet në teren për intervenim, duhet të ketë nga një radiolidhje, apo telefon për komunikim intern me postin komandues, përkatësisht me komandantin e incidentit në vendngjarje.

Struktura organizative e aktivizimit të Planit të Reagimit Emergjent apo QOEL, për zjarre, aksidente rrugore, por edhe në rastet e tjera, duhet të jetë:





Nga skema shihet se pas marrjes se informatës nga zyra e alarmimit **(112)**, nga policia apo edhe persona të tjerë, për lokacionin e ngjarjes, menjëherë njoftohet NJPSHZSH, dhe varësisht nga lloji ngjarjes (zjarre fushoro-malore, zjarre në objekte banimi, objekte industriale, pompa të derivateve apo intervenime në aksidente të komunikacionit rrugor etj.), ekipa e zjarrfikësve përgatitë pajisjet e nevojshme për secilin lloji të intervenimit, dhe del në teren për intervenim.

Varësisht nga intensiteti i zjarrit, llojit, lokacionit aktivizohen edhe ekipet e tjera emergjente. Nëse intensiteti i zjarrit është me përmasa të mëdha, atëherë mundë të aktivizohet edhe Qendra Operative Emergjente përmes shtabit/Komitetit për Mbrojtje dhe Shpëtim, me të gjitha strukturat e saj, duke përfshirë koordinatoren e menaxhimit emergjent, komandantin e incidentit dhe funksionet mbështetëse emergjente (FME-të) dhe ekipet e tjera sipas nevojës për tu përgjigjur situatave të krijuara, dhe nëse është e nevojshme kërkohet ndihma nga komunat fqinjë apo edhe nga niveli qendror.

Aktivitetet apo masat që janë paraparë për parandalimin e zjarreve fshoro-malore në objekte ndërtimi, industriale, prodhuese dhe në pompat e derivateve të naftës janë të përmbledhura si në vijim:

1. Hartimin dhe aprovimin e planeve reaguese emergjente lokale (PREL);
2. Krijimin e procedurave standarde operative për reagim emergjent;

3. Vendorsjen e standardeve, udhëzimeve dhe protokolleve të nevojshme për koordinim dhe reagim emergjent të shërbimeve reaguese emergjente dhe të akterëve tjerë të sigurisë;
4. Ngritja (rritja) e kapaciteteve humane për reagim emergjent, përgatitja profesionale dhe certifikimi;
5. Ngritja e kapaciteteve (resurseve) teknike dhe standardizimi i tyre;
6. Të ngritet infrastruktura rrugore (me qëllim të reagimit më të lehtë me mjete motorike) në pyje dhe të sigurohen burimet ujore, sa më afër vatrave potenciale të zjarreve për furnizim;
7. Të bëhet sanimi dhe gjenerimi i sipërfaqeve pyjore, pas zjarreve të shkaktuara;
8. Të krijohet baza e të dhënave elektronike, për pasojat nga zjarret;
9. Arritja e memorandumeve të mirëkuptimit ndërkomunal me qëllim të ofrimit të ndihmës reciproke dhe bashkëpunimit me komunat fqinje, sektorin privat dhe OJQ humanitare, në rast se paraqitet nevoja;
10. Kontrollimi i aparateve për mbushje të derivateve;
11. Përsëritja e atesteve të matjeve të rezistencës të tokëzimit dhe rrufepritësit;
12. Ngritjen e njësisë së brendshme të zjarrfikësve nga vet pronarët e objekteve prodhuese siç parashihet me ligj, dhe trajnimi i tyre;
13. Rimbushja dhe servisi i aparateve për shuarjen e zjarrit çdo 6 muaj;
14. Instalimi i hidrantëve në objektet prodhuese;
15. Lajmëruesit automatik të zjarrit/lajmërimi dhe alarmimit automatik;
16. Atestimi i këtyre sistemeve;
17. Pajisja me mjete punë për zjarrfikësit për intervenime në zjarre në objekte banimi (automjet me shkallë levizëse-hadraulike në lartësi deri 20 m), dyshek që shërbejnë për kërcim nga lartësia;
18. A testet e matjeve të valvuleve sigurorese të rezervuarve të gazit;
19. Pastrimi i rezervuarve të derivateve të naftës çdo 5 vjet;
20. Hartimi i raporteve të ekspertëve të zjarrit, për secilin objekt të derivateve në naftës dhe gazit;
21. Pastrimin e borës nga rrugët, me prioritet rrugëve ku mund të paraqiten ortekët;
22. Kriposjen dhe rërimit e rrugëve;

23. Sinjalizimi me shenja të rrezikut në rrugët malore, ku reshjet e borës dhe krijimi i mundshëm i ortekëve janë me të theksuara.

Siç po shihet këto masa parandaluese janë disa që duhet të realizohen nga operatorët ekonomik dhe duke bërë inspektime të rregullta nga inspektorët komunal të fushave të caktuara, që këto masa të realizohen, ndërsa të tjerat janë obligim i Komunës.

Plani i Reagimit Emergjent për vërshime, breshër.


Qëllimi i hartimit të këtij plani specifik është :

- 1. Parandalimi i dëmeve që shkaktohen nga përmytjet;**
- 2. Mbrojtja e jetës së njerëzve, pronës dhe infrastrukturës ;**
- 3. Përcaktimi i veprimeve dhe përgjegjësi në rast të vërshimeve, breshrit.**

Prandaj duke u bazuar në Planin e Vlerësimit të Rrezikut, që ka paraparë që vërshimet, erërat , breshëri, paraqesin një rrezik për jetët e njerëzve dhe shkatërrimit të pasurisë, dhe dëmeve të tjera, ku sipas statistikave nga NJPSHZSH, nga viti 2014 -2025, kemi pasur shumë raste të intervenimeve në vërshime, po thuaj se çdo vit ku vlen për të përmendur vërshimet në vitin 2016, 2018, 2021 dhe 2024, ku si rezultat i reshjeve të pandërprera të shiut, kanë shkaktuar daljen e lumit Drenica dhe Verbica nga shtrati i tyre, duke shkaktuar dëme të konsiderueshme në objekte banimi, infrastrukturë rrugore (dëmtime të urave dhe tombinave, rrugëve të rendit të katërt me zhavorr), dëmtime të pronave dhe kulturave bujqësore, dhe të gjitha këto dëme janë vlerësuar nga komisionet komunale për vlerësimin e dëmeve.

Si rezultat i shpeshtësisë së ndodhjes se vërshimeve, është e nevojshme edhe aktivizimi i Planit të Reagimit Emergjent në rastet e përmasave të mëdha. Ndërsa në rastet kur përmasat janë të vogla, atëherë nuk bëhet aktivizimi i PREL, por këto situata që menaxhohen vet në kuadër të DSHPE-së, me funksionet mbështetëse FME#7.

Në rast të aktivizimit të PREL dhe QOREL, atëherë struktura e organizimit duket si në vijim:



Nga skema organizative, shihet se pas marrjes së informatës nga zyra e alarmimit (112), nga policia apo edhe nga personat e tjerë të rrezikuar nga vërshimet, menjëherë aktivizohet PREL, ku fillimisht caktohet komandanti i incidentit (**KI**) i cili fillimisht urdhëron ekipin e zjarrfikësve që të intervenoj me pajisjet adekuate, pastaj **KI** urdhëron ekipin për evakuim dhe strehim që të bëjë evakuimin e banorëve (sipas nevojës) nga zona e rrezikuar dhe strehimin e tyre në strehimoret e caktuara sipas PVR, dhe ekipin për logjistikë, që të bëjë furnizimin me ushqim të të strehuarve në strehimore, pastaj mund të vazhdoj edhe evakuimi i kafshëve dhe shpezëve. Pas evakuimit fillon faza e reagimit për largimin e ujërave nga zonat e rrezikuara, ku aktivizohet edhe operatori ekonomik për reagim emergjent, për të bërë hapjen e kanaleve kulluese për depërtim të ujit, apo në disa vende edhe vendosjen e barrierave të përkohshme për ndalimin e ujërave, dhe pastaj zjarrfikësit fillojnë largimin e ujërave nga shtëpitë përmes pompave.



Nëse përmasat e vërshimeve janë më përmasa të mëdha dhe nuk mundë të menaxhohen nga niveli lokal, atëherë aktivizohet PREL dhe QOREL dhe Shtabi/Komiteti/ për Mbrojtje dhe Shpëtim, i cili kërkon ndihmë nga niveli qendror përmes AME-së, ku AME-ja, përmes ministrive relevante, mund të kyqen edhe njësitet e FSK-së , të specializuara për intervenime në vërshime, të cilët janë të pajisur me barka për shpëtim dhe pajisje të tjera të nevojshme.

Zyrtari për informim i cili merr informata nga komandanti i incidentit, bënë informimin e rregullt për popullatën dhe hapat që duhet të ndjekur në rast të kësaj fatkeqësie.

Në këtë rast mund të aktivizohen edhe ekipet emergjente, të cilat i parasheh koordinatori i menaxhimit emergjent, dhe komandanti i incidentit, duke aktivizuar ekipet mjekësore, për të dhënë ndihmë personave që janë shpëtuar nga ekipet për evakuim dhe strehim të FSK-së, apo nga ekipi i zjarrfikësve.

Pas stabilizimit të situatës , atëherë fillon edhe furnizimi me gjëra ushqimore, pastaj edhe me gjëra të tjera për shtrojë dhe mbulojë.

Pas kësaj fillon faza e rimëkëmbjes, duke filluar pastrimin e rrugëve të dëmtuar, rehabilitim të përkohshëm të tyre, rehabilitim të urave, tombinave për të filluar zhvillimi i jetës normale.

Kur të përfundon situata, atëherë kryetari aktivizon edhe komisionet për vlerësimin e dëmeve të shkaktuara nga vërshimet, dhe pas hartimit të raporteve të vlerësimit të dëmeve, kryetari i Komunës dërgon kërkesën në ministrin relevante, për kompensim të dëmeve të shkaktuara nga vërshimet.

Mbyllja e **QOREL**, ndodhë kur bëhet stabilizimi i plotë i situatës dhe fillon zhvillimi i jetës normale.

Për të zvogëluar apo minimizuar shpeshtësinë dhe ashpërsinë e rasteve të vërshimeve që ndodhin për shkak të reshjeve të pandërprera të shiut, apo edhe të breshrit, Komuna ka planifikuar edhe aktivitetet dhe masat parandaluese për këto ngjarje të cilat po i paraqesim si me poshtë.

Aktivitetet dhe masat parandaluese që duhet të mirren nga vërshimet:

1. Rritja e kontrollit mbi ndërtimet e egra të objekteve të banimit afër shtretërve dhe brigjeve të lumi Drenica dhe Vërbica;
2. Rregullimi i shtretërve të lumenjve sipas standardeve të kërkuara;
3. Mirëmbajtja e rrjetit të ujërave atmosferike dhe fekale, kanaleve të hapura, shtretërve të lumenjve, urave, etj.;
4. Ndalimi i hedhjes së mbeturinave të amvisërisë dhe atyre inerteve të ndryshme në lumenj, kanale dhe bllokimi i hapjeve të urave;
5. Ndalimi dhe kontrolli i gjurmëve dhe eksploatimeve të pa kontrolluara të resurseve natyrore, me ç'rast ndërron edhe kahja e rrjedhës së ujit e më pastaj dalja nga shtrati;
6. Mirëmbajtja e shtretërve të lumenjve nga organet kompetente;
7. Zgjerimi i shtretërve të lumenjve nga pronarët që i posedojnë ngastrat pranë;
8. Hapja e kanaleve anësore (të kullimit) të rrugëve;
9. Ndërtimi i **tombinave dhe urave** në lokacionet ku ka fyte të ngushta të shtratit të lumit Drenica dhe Verbica dhe prrockave të tyre.

Masat parandaluese nga breshëri:

1. Informimi dhe paralajmërimi me kohë, duke bërë instalimin e sistemeve të paralajmërimit të hershëm përmes aplikacioneve të motit, radarë dhe alarme lokale (MMPH);
2. Fushata vetëdijesuese për fermerë;
3. Vendosja e sistemit mbrojtës për shpërndarje të reve të breshrit nga (MMPH);
4. Vendosja e sistemit të mbrojtjes së pemëve me rrejtë plastike, kopshte dhe plantacione të pemëve, vreshtave, ose kultura të tjera nga vetë fermerët;
5. Sigurimi i të mbjellave nga dëmtimet klimatike (breshrit) përmes skemave të sigurimit bujqësor nga fermerët.

Plani i Reagimit Emergjent për epidemitë, endemitë dhe pandemitë

Qëllimi i hartimit të këtij plani është :

1. Parandalimi i përhapjes së këtyre epidemive dhe pandemisë që shkaktohen nga viruset e ndryshëm;
2. Mbrojtja e jetës së njerëzve;
3. Përcaktimi i veprimeve dhe përgjegjësi në rast të epidemive dhe pandemisë.

Për këtë qëllim duke u bazuar nga Plani i Vlerësimit të Rrezikut, ku ka vlerësuar edhe rrezikun nga epidemitë, endemitë dhe pandemitë, atëherë është i nevojshëm edhe hartimi i Planit të Reagimit Emergjent edhe për këto lloje të rreziqeve.

Në tërësi jo vetëm Komuna e Glogocit, por edhe i tërë territori i Kosovës kanë qenë të përfshira nga virusi COVID-19 , SARS I DHE SARS II, e cila u shpall nga OBSH si pandemi.

Përpos pandemisë në komunën tonë janë prezent edhe epidemitë, si gripet sezonale, infeksionet e ndryshme, por janë të menaxhueshme nga institucionet shëndetësore të nivelit parësor, ku sipas statistikave të marrur nga DSHMS dhe QKMF-ja, në Drenas, kemi këto të dhëna:

Gjatë fazës së Pandemisë në komunën e Glogocit janë prekur gjithsejtë **3420 raste, prej tyre janë shëruar 3334 raste, ndërsa 89 raste** kanë përfunduar me mortalitet.

Kurse nga epidemitë ka pasur edhe sëmundje ngjitëse, infektive, ku këtu hynë edhe viruset sezonal, që më të shprehur kanë qenë të diagnostikuar me diagnozën **diahorea et gastroenterisits (A09)**, me gjithsejtë **2393 raste, sëmundje infektive (A02-04-05-07-09), 291 raste** , pastaj **variola herpes zoster (B01-02)**, me **253 raste**, dhe sëmundje të tjera, gjatë vitit 2023, ndërsa gjatë vitit 2024 janë regjistruar ky numër i këtyre sëmundjeve, me diagnozën **diahorea et gastroenterisits (A09)**, me gjithsejtë **262 raste, sëmundje infektive (A02-04-05-07-09), 10 raste** , pastaj **variola herpes zoster (B01-02)**, me **34 raste**.

Nga këto statistika të marruara nga raporti i QKMF-së po shihet se rastet me epidemi në vitin 2024 kanë rënë ndieshem krahasuar me vitin 2023.

Bartës kryesor dhe përgjegjës për nivelin parësor shëndetësor është Drejtorati për Shëndetësi dhe Mirëqenie Sociale, që është në kuadër të Komunës, si dhe Qendra Kryesore e Mjekësisë Familjare, QKM-të, dhe AMF-të.

Për pandemi kanë qenë të caktuara masat parandaluese të caktuara nga Instituti Kombëtar i Shëndetësisë Publike të Kosovës, të cilat masa janë zbatuar edhe nga nivelet lokale.

Në rastin e pandemisë, Komuna e Glogocit ka ngritur dhe aktivizuar Planin e Reagimit Emergjent/Qendrën operative emergjente lokale/ se bashku me të gjitha strukturat e saja (**Qendrat Operative të Shtabeve Lokale**), të cilat janë aktivizuar gjatë kohës së pandemisë, që po e paraqesim si në diagramin e më poshtëm:

